

Minimam haoa blong wok hemi wan raet blong yu



Yu stap kasem inaf haoa blong wok?

Gavman blong Ostrelia hemi stap kipim ol rul long saed blong minimam haoa blong ol sot taem woka anda long PALM skim i stap longtaem moa.

Minimam haoa blong wok (hamas haoa oli mas givim blong yu wok)

Sapos yu wan sot taem woka anda long PALM skim (yu stap wok long Ostrelia kasem 9 manis), emploia blong yu i mas givim yu inaf haoa blong wok stat long 120 haoa long 4 wik.

Sapos emploia blong yu i no stap givim namba blong ol haoa ia long 4 wik, oli mas pem yu blong 120 haoa.

Rul long saed blong minimam haoa ia hemi stap kasem 31 Maj 2026.

Wanem mi nid blong mekem?

- Sapos yu stap wok finis o yu wan niufala woka anda long PALM skim, maet yu risivim wan niufala ofa blong emploimen we hemi talemaot ol minimam haoa blong wok. Toktok long emploia blong yu sapos yu no karem hemia yet.
- Sapos yu karem wan niufala ofa blong emploimen, askem emploia blong yu blong mekem i klia ol jenis long saed blong ol minimam haoa mo askem eni kwestin we yu gat.
- Sapos yu wan woka blong longtaem (yu wok long Ostrelia bitim 1 yia i go kasem 4 yia), oli sud givim fultaem haoa long yu folem ol gaedlaen blong emploia anda long PALM skim.

Wanem bae mi mekem sapos mi no andastanem o mi no kasem ol minimam haoa blong wok we oli sud givim?



Toktok long emploia blong yu.



Kontaktem PALM skim sapot sevis fon laen – kolem 1800 51 51 31 long mandei kasem fraedei long 8:30am kasem 6:30pm AEST o imelem palm@dewr.gov.au.



Kontaktem CLO blong yu o labour attaché. Go long palscheme.gov.au/contact blong kasem stret kontak diteil blong hem.



Kontaktem Fair Work Ombudsman. Kolem 13 13 94 o intepreta sevis long 13 14 50.



Faenemaot moa infomesen mo askem help sapos yu nidim.

Skanem QR kod wetem fon blong yu blong ridim moa infomesen long saed blong ol minimam haoa blong wok.
palscheme.gov.au

